

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

VII.

[urn:nbn:de:bsz:31-122751](#)

VII.

S. D. Reverende & clarissime vir, frater charissime.

Eximium & gratissimum mihi beneficium tribuisti, quod nomen Conjugis Jacobi illius Marchionis exquirere, & me periculo mittendi ad Pistorium literas, liberare voluisti. Summas igitur tibi gratias ex animo ago, & vicissim tibi ac tuis, officia mea prompta & expedita defero. Georgio Norfchio etiam, verbis meis officiosè salutato, pagellas adjunctas reddi velim. Ad Jobinum typographum literas Francofordiam misi. Quibus cum nihil haec tenus receperim, ut per hunc tabellarium respondeat, amice monebis. Carmina ex D. D. Reusneri Iconum libro descripta remitto. Efigiem verò meam Chronico meo præmitti omnino nolim. Id eoque; ad Jobinum scripsi, ut meo sumptu primam paginam recuderet, & priores Titulos omnes ad me mitteret. De Marchionis Jacobi morte rumor apud nos literis Heidelbergâ & Spira scriptis, sparsus & confirmatus est. Pistorii librum contra Osiandrum non vidi. Canonici vestri, violentâ manu grassantes, ut *legor. àior. r. g. n. g.* ille *legor. àior. r. g. n. g.* brevi fortè sibi attrahent, quo utinam non plures implicantur. Eberzium tuum, si ad me venerit, complectar eâ fide & officiis, que proficiunt à mea tenacitate possunt. De Lutetiâ dedita nihil adhuc Coloniâ & Antverpiâ certum numeratur. In Carminibus ex D. D. Reusneri Iconum libro descriptis, pro primo Disticho

(*Tot meritis clavis, sancti q. laboribus annon
Charus sim populus, charus & ipse DEO*)

optatum aliud substitui modestius & verecundius; quod non tantam arrogantiam, & ambitionis speciem haberet, in hanc vel similem sententiam:

*Cum Davide DELM celebrem: teneraq. juventa
Doctrinâ profim: carus & ipse DEO.*

Significa quælo, quis correctioni in officina Jobini præsit, & quando alteram partem Iconum orsuras sit. Tu benè & feliciter vale. Rostochi, Die Francisci,

1590.

David Chytræus.

IIX.

*Gratiā & pacem à Deo patre & Domino nostro Iesu
Christo Reverende & doctissime Domine Doctor, Compater & frater in Christo,
summo mihi & honore & amore colende.*

*Q*uas per Vitensem clivem 14. Octobris ad te direxi, jam pridem te accipisse confido. Biduo post, qui fuit nostri Calendarij 16. venit ad me

Xxx 2

Col-